

HLOMAMISO EA BAHLANKA

 'Me, ke hore, taba ea pele ke ho hlomamisa bahlanka ba itseng kerekeng. 'Me kereke ea rona mona e a ipusa. Ha e na bolumeli bofe kapa letho ho romela bahlanka ba eona, e ikhethela bahlanka ba eona. E khetha molisa oa eona, e khetha literaseti tsa eona, e khetha ntho e 'ngoe le e 'ngoe e kenang le e tsoang kerekeng. Ha ho motho a le mong ea nang le lentsoe holima eng kapa eng, ke kereke. 'Me kereke ke bao ba tlang ba tshetsa kereke ka boteng ba bona, ka karolo ea bona ea leshome le menehelo, kamehla ke bona ba nang le puo semolao hlomamisong ea ba joalo.

² 'Me ke batla ho leboha lekhota la fetileng la bahlanka, 'me ke e bua ho tsoa mona molemong oa kereke eohle. Haeba mang oa baena bao a le teng mona, e ne e le Moena Cox, Moena Fleeman, le Moena Higginbotham le Moena Deitzman, ba re sebelelitse hantle, ho e abela Morena, ka tabernakeleng ena.

³ 'Me khafetsa e kana, ho latela melaoana ea kereke, selemo se seng le se seng, bahlanka kapa literaseti ba phethela nako ea bona. 'Me ha ba batla ho khutla, ho lokile. Ha ba sa batle ho khutla, joale ba ka hlomamisa ba bang litulong tsa bona, hore lekhota lena le itokolotse.

⁴ 'Me ke letsilitse lekhota la literaseti bosiu bo bong, etsoe lekhota le lecha la literaseti le le teng. Ke bone Moena Luther McDowell mona bosiung bona, re thabetse ho 'mona ka hare, ke teraseti ea mehleng ea lekhota. Ke ne ke theohile veke ena ho fumana le ho hlahloba hore ho etsoe kopi ea photosetate, e tla hlahisetsoa kereke, le eona. Hore joale diteraseti tsa kereke ke Moena William Morgan, Moena Mike Egan, le Moena Banks Wood, le Moena Roy Roberson. 'Me bohole ke litho tsa motse ona, ntle le Moena Roberson ea lulang mahareng a metse e 'meli. Morena o bone banna bao ba loketse, 'me e bile banna ba hlomphuoang, 'me joale ba amohetse mosebetsi oa diteraseti tsa kereke ena.

⁵ 'Me eare ha kopano ena e sa tsoela pele, le ho bolelloa ke motlatsi oa molisa ha thoe rona, ho khetha lekhota le lecha la bahlanka, ha thoe bana ba phethile nako ea bona 'me—'me ba itokolotse, ha ntoo tlamehoa ho khetha bahlanka ba bang hape. Joale, kereke... Kamoo e sebetsoang kateng, ke hore, lekhota le khetha bahlanka, monna eo ba phetseng le eena 'me ba mo fumane e le motho ea hlomphehang le ea lokileng.

⁶ Phaposi ea mohlanka ke phaposi e kholohali, 'me ke tlotla e kholo ho Morena ho ba mohlanka kerekeng. 'Me ka hona, kopanong ea bosiu bo bong, ke tsebisitsoe monna ea itseng. 'Me kopanong le molisa, le latelang... Labohlano lena le fetileng,

monna enoa o lumetse hore bana e ne e le banna ba hlomphehang le ba lokileng.

⁷ Ba fihletse mohlankana e mong, a sa tšoaneleha hantle (ha se hobane e ne e se monna oa mofuta o nepahetseng), o ne a hloauoe ke e mong oa banna ba hlomphehang ba lekhotla la rona la teraseti. Empa 'na le molisa ra kopana, 'me ka botsa lilemo tsa mohlankana eo, o ne a le lilemong tse qalang tsa mashome a mabeli. A hlompheha, a lokile, e le monna oa sebele, empa ho mo fihlela e le monna ea sa nyalang. Bibele e hloka mohlanka e be monna ea nyetseng. Eka khona e be monna oa mosali a le mong.

⁸ Ea ntoo ba monna e mong eena e le monna ea hlomphehang haholo, ea tšoanelang mosebetsi oo 'me ekabe ebile monna ea tšepahalang, joalokaha moena oa rōna a mo thoholelitse. Joale ka mora ho hlahloba taba eo, ho fumanoe moena a sa tsoa kena Tumelong ena, mohatsae ha a E lumele. Taba eo ea sitisa monna eo ofising. Hobane o loketse ho laola lelapa lohle la hae, le bona ba lokela ho ba Tumelong, hobane e ka ba khohlano.

⁹ 'Me re a haha joale, 'me re lakatsa ho hlomamisa kereke ena. 'Me joaloka molebeli kakaretso oa kereke, ke tlamehile ho bona hore e bolokoa, ho latela Mangolo, ntho e 'ngoe le e 'ngoe hantle Lentsoeng.

¹⁰ Ka baka leo, ka hona, lekhotla le fumane ho le molemo, le molisa, le mookameli, ho khetha sehlopheng sena sa batho mona monna eo re mo hopolang e le monna ea hlomphehang le ea lokileng. Re ka ba tlisa feela. 'Me eona, ka hona, ba khethoa ke kereke, ka voutu ea bona ka sebele. 'Me banna bana ba tla sebeletsa ke hona, haeba ba ikutloa ba tla amohela ofisi ena. Joale ba tla lula nakoana, ho bona haeba ba utloa Molimo o ba bitsitse mohlomong. 'Me haeba hamorao, ba utloa ba sa tšoanelehe, joale, ba na le tokelo livekeng tse 'maloa tse hlahlamang ho itokolla ofising, ho tle ho khethoe motho e mong litulong tsa bona.

¹¹ Leha ho le joalo, qalong ea tsoseletso teng (ha Molimo o ratile) ke batla ho tšoara mona tabernakeleng ena hang feela hoba ke phomole, joale ke—joale ke...re tla hlomamisa bahlanka bana ka peho ea matsoho, bahlanka le ramatlotlo ka kerekeng ena. Empa pele ba tlameha ho thonngoa le—le ho bona kamoo ba e ratang kateng le kamoo phutheho e e ratang kateng. Ka hona haeba e le—ka hona haeba ho itoketse mahlakore bobeli, re tla beha banna bana joaloka bahlanka ba hlomamisitsoeng, joalokaha Literaseti le tsona li khethoa ka ho tšoana.

¹² Ke boipuso le molao oa kereke, ka Lentsoe la Molimo. Ka hona, hoo, ba ke ke ba rialo feela "Ke hopola monna enoa e ka ba monna ea lokileng," ha se eona, "Moena Neville o hopola monna enoa e ka ba monna ea lokileng," kapa "lekhotla la teraseti le lehopola monna enoa e ka ba monna ea nepahetseng." E ka khona

e be ka kereke! Mona ha ho motho ea iketsetsang letho a le mong. Ke voutu ea kereke. Ke kereke e ipusang.

¹³ Sehlopha sa khale sa melaoana se ne se senyehe moroallong oa 1937. Re e kopilitse, 'me e tla fanyehoa leboteng mona haufinyane, mesebetsi ea literaseti, bahlanka, boramatlotlo, le joalo-joalo, molisa, batlatsti, le ba joalo-joalo.

¹⁴ Ka mohau oa Molimo, ke boleletsoe, ha thoe livoutu tse lekholo tsa lekhotla la kereke ena, ho fihletsoe Moena Hollin Hickerson e le monna ea lokileng, ea hlomphehang, hape a le mocheng oa boemo bona ho nka e—e tlota e kholo ea ho behoa mohlanka oa tabernakele ena e boletsoeng.

¹⁵ Hape, re fumane, le ka voutu ea lekhotla, Moena Collins le eena o fumanoe e le monna ea hlomphehang le ea lokileng. Ka ho ba moreri, ka boeena, ha ho le joalo re tla mo kopa ho tla le ho hlongoa e—e mohlanka oa kereke; 'me e seng mohlanka feela, empa le molekane oa Moena Neville, mohlomong ho sehlopha sa sekolo sa Sontaha, kapa ho tlatsa sebaka sa Moena Neville, kapa seo a ka se biletsoang ho tlatsana le Moena Neville. Eo ke Moena Collins.

¹⁶ 'Me, hape, kereke e fumane, ka mohau, Moena Tony Zabel, e le monna ea hlomphehang le ea lokileng, 'me o khahlisitse lekhotla la literaseti' le balisa, ho mo qela ho amohela ofisi ea mohlanka ka tabernakeleng ena e boletsoeng.

¹⁷ 'Me hape ho qetsoe, 'me ho fumanoe monna ea hlomphehang hara rona... (Che... bana ha se bona feela to banna ba hlomphehang, joale, feelasba sa tsoa thongoa ke lekhotla.) Moena Taylor ho tsoa Henryville, kapa Memphis, kea kholoa, Memphis, Indiana. O se a hlotse le rona nakoana, a sebetsa e le ashara le sohle se leng teng. Kereke e fumane mohau ho eena, kapa lekhotla le balisa, hore a amohele e—e ofisi e kholo ea mohlanka oa tabernakele ena e boletsoeng.

¹⁸ 'Me ho boetse ho kopiloe mokhoenyana oa Moena Mike Egan, Moena—Moena Bob Harned, o thontsoe ke lekhotla le ke balisa, ho nka phaposi ea ramatlotlo oa tabernakele ena e boletsoeng, e leng mosebetsi o hlomphehang, 'me o hloka toka le tlhompho.

¹⁹ Ka ho etsa sena, ke nahana, baena ba ka, ho le bitsa ho tsoa mona, e ka ba tlota e kholo ho lona. 'Me ha se hoo feela, empa ho etsa ho hong.

²⁰ Nakong ena ke tla qela Moena Neville, mothusi oa rona, ho bala litlhoko tsa mohlanka. Moena Neville, ha u ka e bala Lentsoeng la Molimo. [Moena Neville o bala Timothea oa Pele 3:8-13—Mohl.]

[*Bahlanka le bona ba be le bokhabane, ba se ke ba e ba le maleme a mabeli, ba se ke ba hlanyetsa veine e ngata, ba se ke ba batla leruo ka thetso;*]

[*Ba boloke sephiri sa tumelo ka letsoalo le hloekileng.*]

[*Le bona ba ke ba lekoe pele; ba ntoo nka mosebetsi oa mohlanka, ha ba se na sekoli.*]

[*Le bona basali ba bona e be batho ba bokhabane, e seng baetselletsi, ba be le phalimeho, le ho tšepeha nthong tsohle.*]

[*Hape bahlanka e be banna ba nang le basali ka bong, ba busang bana ba bona hantle le matlo a bona.*]

[*Hobane ba sebelitseng tsa bohlanka boo hantle ba ithuetse boholo bo molemo, le bonatla bo boholo tumelong e leng ho Kreste Jesu.*]

²¹ Amen. Ke tla kopa nakong ena baena bana b'eso ba bitsitsoeng, ho tsoela kapele mona sefaleng nakoana feela. Re sa inamisa lihlooho tsa rona nakoana thapelang, ke batla ha bona... 'Me kereke e tseba hoba sena ke sefe, hore ke ho khetha lekhotla la lona la bahlanka le ramatlotlo oa lona.

²² Morena Jesu, re tla ho Uena joale ka mohopolo o falimehileng, oa borapeli. Re tla ka hlompho ea Lentsoe la Hau le Halalelang ka ho Fetisia, re tla re lumela ho re "Lentsoe la motho e e be leshano, feela la Molimo e be 'nete." 'Me re U leboha ka Kereke ena eo Jesu a e rekileng ka Mali a Hae ka Sebele a bohlokoka, le ho re abela moaho ona ho rapela teng.

²³ 'Me joaloka baokameli ba mohlape ona o moholo, oo Moea o Halalelang o re laoletseng oona, re leka joale ho hlahisetsa phutheho ena sehlopha sa banna ba tšepehileng, ba lokileng bao re lumelang ba tletse Moea 'me ba itokiselitse mosebetsi. Joalokaha ho kile ba boleloa maloka le lekhotla la bahlanka, "E-eang, le fumane har'a lōna, monna oa bopaki bo botle ea nang le Moea o Halalelang, ba tle ba sebetse ka mokhoa ona, ho hlokomela bahlolahali le likhutsana, ho aba chelete, le ho ela litaba tsa kereke hloko." Lilemo hamorao, re sa tsoa bala mongolo oa Pauluse e moholo, ea bululetseng, ea halalelang, ea tekang Mangolo le litšoanelo tsa maemo a joalo.

²⁴ Molimo, hlompho banna bana. 'Me joale ke khetho, Morena, joaloka kereke e ipusang, joaloka 'mele oa Morena Jesu, hore ba khetho. 'Me... [Sekheo lebanteng—Mong.]... le ho laola karolo ena ea tšebeletso ka mokhoa o ikhethang, ka Lebitso le lokileng le le halalelang la Jesu.

²⁵ Joale ka lihlooho tsa rona tse inamisitsoeng, e seng lihlooho tsa rona feela empa lipelo tsa rona, 'me setho ka seng sa kereke ena, se kenang mona kamehla 'me se e tšehetsta ka karolo ea sona ea leshome le menehelo, se lemohuoang e le setho sa kereke ena, nakong eona eo 'na le molisa, feela, re tla sheba, motlatsi oa molisa, Moena Neville, 'na le eena re tla sheba, Ke tla botsa haeba kereke ena e fumana Moena Taylor e le monna ea lokileng le ea tšoanelehang, mohopolong oa lona o khabane, ho behoa mohlanka holim'a sehlopha see sa batho? Le tla bontša joalo ka ho phahamisa letsoho la lona. [Moena Branham o a khutsa—

Mong.] Ho lokile. Joale taba e khahlano ha e le teng, na u ka phahamisa letsoho la hau. [Moena Branham o a khutsa.] Ke a leboha.

²⁶ Ana setho sefe sa kereke ena mona se fumana...le bohole, na le fumana Moena Hollin Hickerson e le monna ea lokileng le ea hlomphehang, le monna ea fihleloang mahlong a lona a tšoaneleha ho behoa mohlanka oa kereke ena e boletsoeng? Na le ka supa ka ho phahamisa letsoho la lona le letona. [Moena Branham o a khutsa—Mong.] Haeba taba e kgahlano e le teng, joale phahamisa letsoho la hau. [Moena Branham o a khutsa.]

²⁷ Na phutheho ena e fumana Moena Collins ka ho tšoana, e le monna ea lokileng le ea hlomphehang, 'me a lokeloa ke mosebetsi oa ho beoa mohlanka oa kereke ena? Na u ka phahamisa letsoho la hau. [Moena Branham o a khutsa—Mong.] Ho lokile. Khahlano, na u ka phahamisa letsoho la hau. [Moena Branham o a khutsa.]

²⁸ Na phutheho ena e fumana Moena Tony Zabel e le monna ea hlomphehang le ea lokeloang ke phaposi ena, ea ho beoa mohlanka holim'a mohlape ona kahar'a kereke ena e boletsoeng? Na u ka phahamisa letsoho la hau le letona. [Moena Branham o a khutsa—Mong.] Khahlano, na le ka phahamisa letsoho. [Moena Branham o a khutsa.]

²⁹ Na phutheho ena e utloa Moena Harned e le monna ea molemo le ea lokileng, o se a hlotse le rōna nakoana, ho behoa ramatlotlo, mongoli-ramatlotlo oa kereke ena, ho sebetsana le lichelete tsa eona le ho lefa melato ea eona? Haeba ho le joalo, phahamisa letsoho la hau le letona. [Moena Branham o a khutsa—Mong.] Na taba e khahlano e teng, phahamisa letsoho la hau le letona. [Moena Branham o a khutsa.]

³⁰ Ke lakatsa ho borella e—e baena ba emeng nakong ena, maotong a sefapano sena, hore kereke ena, ka lipheresente tse lekholo (le letho khahlano), e le fumana bohole le tšoaneleha mahlong a Molimo ho anohela mosebetsi ona oo Molimo o le bilelitseng oona.

³¹ Joale, lona, joalokaha ho boletsoe, “Ba ke ba lekoe pele, ho bona haeba ba lakatsa phaposi ena.” Livekeng tse ‘maloa, ha Molimo o ratile, ke tla khutla ho beha sehlopha sena sa banna matsoho, ho ba hloma semmuso ramatl-... kapa mohlanka oa kereke ena, le ramatlotlo.

Ha re inamiseng lihloho tsa rona motsotso feela:

³² Morena, re thabile bositung haele moo ho sa ntse ho fumanoa monna ea phelang lefatšeng a ka tsamaea ka borapeli pel'a lefatše; borapeli hakaale hoo tabernakele, e bolokileng melao e thata hakana, e ka voutelang banna ba bahlano maemong a ho beoa baetapele ba bona, ho se voutu le e 'ngoe e khahlano. Re ba thabetse, 'me re utloa U bile le rona ho etsa liqeto tsena, lekhota le rona balisa 'moho.

³³ Molimo, hlohonolofatsa banna bana. 'Me ba sebeletse phaposi ena ka lipelo tsa bona tsohle, ba ntse ba tseba hobane ba ithuetse kabelo e kholo Leholidong. Ka letsatsi le leng mohla Libuka tsa Leholido li koaloang, ho be joalo Buka ea libopiloeng tsa leholimo 'me ka har'a Buka e kholo ea Leholido ho phetloe, mabitso a bona a eme tsetla lipheresente tse lekholo pel'a Molimo le 'Moloki le makhotla oohle a Leholido, ho mpe ho be joalo 'Musong oa Oona. Ba hlohonolofatse, Morena, 'me ba sebeletse phaposi ena hantle. Ka Lebitso la Jesu re U leboha ka bona. Amen.

³⁴ Ke batla feela ho le tsukutla ka matsoho, Moena Harned, le Moena Zabel, le Moena Collins, Moena Hickerson, le Moena Taylor. Ke thabo e kholo ho tseba hoba nako ena eohle esale re kopana le banna ba hlomphehang hakaalo. Molimo o le hlohonolofatse joale. 'Me re tla le bona hang-hang, hang feela hoba ke phomole nakoana, ho khutla, le ho bona kamoo le ratang phaposi ea lona kateng. Ho lokile, ka voutu ea bona, ke kholoa e ne e etsa liphersente tse lekholo, ho se letho khahlano ho hang.

³⁵ Oh, na ha le thabe ho amana le batho kajeno ba ka phelang ka borapeli, pel'a Molimo, le ho phela pel'a lefatše lena la joale ka mokhoa oo? Ke ntho e babatsehang.

³⁶ 'Me ke thabile haholo ho tseba bosiusing bona ke fuoemonyetla oa—oa ho fuoa banna bana le kereke ena e le metsoalle ea ka. Ke thabile haholo ha Molimo o ntumeletse ho ikamahanya le Kereke ea Hae lefatšeng lohle. Oh, ba khesitsoe, ba nyatsuoah buuoia ka bona, 'me joaloka ha ke buile hoseng hona molaetseng oa ka, e ka tsoha e le balubi-seretse feela, ka chalimo ea lefatše, ke "sehlopha sa bacheliheli ba tlotseng moeli," empa Molimo o ba sheba e le bana ba Oona. Ke thabetse seo haholo. Mohlomong ha ba tsebe hore khoeli e bohole ba lik'hilomethara tse kae. Ha ba khone ho le bolella makhotla oohle a sebaka le kamoo a sebetsang. Ba mpa ba tseba ho le hong feela, ba tseba hora mohla ba ne ba tsoaloa labobeli. Ke ba thabetse haholo ke hona.

³⁷ 'Me koana ke ithutile setšoantšo se senyenyanane, 'me bosiusing bona ke tla se amantsa le banana ba ka ba babeli ho se theolela lapeng ka mokhoa, ho se netefatsa ho rona, le tle le utloisise moelelo oa sona. Hoseng ho hong, ha ke tsoha liphateng... Ke na le banananyana ba babeli. E mong oa bona ke Rebekah, 'me e mong oa bona ke Sarah, 'me ke banananyana ba ntate.

³⁸ 'Me ke na le moshanyana, Joseph. Ke ne ke tsoa Chattanooga, kopanong bosiu bo bong, mehleng ea letšolo lena la ka la ho qetela mono. 'Me ke le e-e koloing, ke tsamaea joalo le mora e moholo, Billy. Mohatsa'e le Meda ba le koloing, le banana. 'Me leetong joalo, ho se motho ea buang lebaka la diboloko tse 'maloa tsa motse. 'Me ke ne ke ile ka ruthutha batho bosiusing boo ka boitšoaro ba bona. 'Me ho se motho ea buileng letho. 'Me Joseph

e monyenyanane a tla a ntšoara lehetleng, a re, “Ntate, oa tla oa rera bosium bona hle!”

³⁹ ’Me hoseng hona, eitseha ke tloha ’me ke nyolohela Seterateng sa Eighth le sa Tenth, eona... kapa Penn le Tenth, ke rialo, ho se motho ea buileng, mohatsa ka le banana ba babeli. ’Me Joseph e monyenyanane a boela a mphathatsa lehetleng, a re, “Ntate, hoo, ke hlile ke ratile thero eo hoseng hona,” a rialo.

Ka re, “Che, bonnyane ke ratoa ke motho a le mong, eena ke mora oa ka.”

⁴⁰ ’Me ho lebisa ho puonyana ea rona. Ho phaphama hoseng ho hong, le ho lula ka phaposing, eaba Becky-nyana o tsoa a matha ’me, helang, a hloella moomo oa ka ’me a nkopela ka sephaka, etsoe e le ngoananyana oa ntate. ’Me o ne a nkharetse. ’Me Sarah-nyana a tlola liphateng ka lipijama tsa hae le homme, helang, a tla a matha khetlo le latelang. Ke mothoana ea mahlo a masothoana.

⁴¹ Becky-nyana a re, “Oh, Sarah, ha ho thuse ho tla, hobane ke nkile Ntate kaofela. Ntate ke oa ka kaofela!” ’Me Sarah-nyana, melongoana ea repha, mahloana a masootho a koetsoe. Ka mo qhoaea *tjena* ’me ka ntša lengole le leng, a fihla e le hloella.

⁴² Meomo ea Becky e melele, e ne e fihla fatše. Sarah-nyana o ne a tetema, eaba ke hamarela Sarah ka liphaka tse peli. Sarah-nyana a sheba Becky a re, “Becky, mohlomong u nkile Ntate kaofela, empa ’na Ntate o nkukile kaofela!”

⁴³ ’Me ke hopola ho batla ho le joalo mona. Re ka tšoha re sa tsebe thutomolimo eohle le lipitlahali tsa mantsoe ohle a Segerike, sehlopha sena sa batho se ka tsoa tsoa se sa tsebe. Empa ntho e le ’ngoe e tiile, ke lumela Jesu a re tšoere kaofela ha *rona*. Amen.

Ke hantle, Moena Neville.



HLOMAMISO EA BAHLANKA SST58-0720E

(The Placing of Deacons)

LETOTO LA BOITŠOARO, TSAMAISO LE THUTO EA KEREKE

Molaetsa wona, ka Moena William Marrion Branham, o rerilwe sethatong ka Senyesemane Sontaha mantsiboya, Phupu 20, 1958, mane Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org